

Tota Philosophorum congregatio in hoc consentit, quod opus eorum nihil aliud sit, quam mas & foemina: Maris vero est, generare & dominari foeminæ; hujus concipere, imprægnari, parere, lactare & educare sobolem, mari q; imperio subjici: Ut enim conceptum fœtum, antequam edatur in lucem, sub sanguine, ita editū lacte fovet & nutrit. Hinc natura præparavit tenello pusioni in māmis muliebribus cibum digestibilem & proportionatū, qui ex parte ejus adventum, tanquam primus commeatus & viaticū in hoc mundi curriculo: Lacte itaque alitur, crescit & augmentatur eō usque, donec instrumenta panis comminuendi habeat, hoc est, dentes, tum ab lactatur merito, quia natura illi providit de alio solidiori nutrimento. At hīc Philosophi dicunt, quod mulieri bufo super māmas apponendus sit, ut eum instar infantis suo lacte alat: Misérum hoc & horrendum spectaculum est, imò & impium, quod lac infanti destinatum bufoni, bestiæ venenosæ & naturæ humanæ adversanti præbendum sit: De serpentibus ac draconibus vaccarum ubera exiccantibus audivimus & legimus: Fortè idem bufones appeterent, si occasio offerretur in bobus. Historia de bufone nota est, qui rustico cuidam dormienti ita occupavit os & interiora labra, ut nullo astu inde abigi potuerit, nisi violentiâ, quæ cum periculo mortis, venenij ejus expuitione (quā uti dicitur pro telis defensivis aut offensivis) conjuncta fuisset, ideoq; non tentanda: Ex antipathia itaque remedium misero homini inventum, nempe aranei prægrandis & bufonis, qui se invicem lethali prosequuntur odio: Portatus itaque est cum bufone directè ad locum, ubi araneus prætumidus suas texturas exposuerat, qui cùm bufonem vidit, mox se dimisit in tergum bufonis, eumque suo aculeo pupugit: Cùm vero nihil inde damni acciperet, secunda vice descendit, & iterum illum fortius fixit; Unde mox bufo intumuit, & ex hominis ore mortuus decidit, absque ulla ejus noxa. Sed hīc contrarium accidit: quia bufo non os, sed mammam mulieris occupat, cuius lacte adeo increscit, ut ingentis magnitudinis & roboris evadat: Mulier vero viribus absumptis extabescat & moriatur: Venenum enim facile per venas

ATQ. 2. 6. 1